

indipiscitur, vt per se viscus cuius motus sunt ordinati ad motum valentiorē cogat.

I I.

COR ad sui tutelam & præsidium leui tunicâ proprio quasi sepimentō obuallatur & obuoluitur: In eâ tenuis & modicus humor, qui ramentū æstuanti sufficiat, deprehenditur. Hic autem humor non ex vaporibus cordis membranorum, frigore densatis, sed ex portū portuiculâ in thoracem illabente genitus in illius refrigerationem & commodum absumitur, ne fortē ardore assiduo ob frequentes, ne dicam perpetuos motus illi proprios flammam duriorum corporum instar conciperet, ex quorum attritu mutuo scintillæ, quæ nusquam ex aëre inflammato fiunt, solent excitari. In medio thorace situs est sol ille viuificus, vitalem spiritum & influxus in omnia extrema æqualiter diffundens, cuius magnitudo, quæ ex se quidem exigua est, non in omnibus eadem & æqualis cernitur; Timidis & ignauis grandius cor datum est, audacibus pusillum aut mediocriter: Illud per singulos annos ad quinquagesimum vsque augeri, & ab ipso ad extremum senium decrescere fabulosum est. Solidâ carne compactum est, ne in validis & assiduis motibus disrumperetur, & violentis quibus in dies afficitur passionibus obfisteret. Villi quibus illius carnem intertexuit natura, & adnascens circa ipsum pinguedo non ex sanguinis vt lactis ad conficiendum butyrum agitatione concreta, illudque vt seuum circumagendas rotas obliniens, motus illius necessitatem ostendunt. Cor ergo mouetur vt & ceteræ partes quæ succum à ventriculo confectum trahunt, deponunt, & nonnunquam excrementis exturbandis ingenti dolore cruciantur. Triste aut iucundum finis est cuius gratiâ cor motum intendit; sibi ipsi prius prospicit, quàm reliquo corpori, nec vt aëri aditum præbeat dilatatur, nec vt fuligines discutiat constringitur quod ad proprium situm redire amat. Hi motus vt simplices, ita naturæ prius existunt, ex quibus non minima emanant beneficia naturæ cognita; dilatatione nouus inspiratur aër, qui compressione jam excalefactus & inutilis cum fuliginibus expellitur: & ita hisce variis mutationibus cordis conseruatur temperies, quâ destructâ & pereunte, tota corporis æconomia cum ipso corrui.

I I I.

ZYMÆSIS quæ ζέσσις nomine donatur sæpissime, sed perperam, nihil aut minimū à putredine distat; in eâ quippe subtiles & magis actuosæ partes ab agente externo in motum concitatæ, se se quoque uersum explicant, conanturque à se inuicem dissolui, donec crassiores, à quibus implicitæ detinentur, priorum nisu & actione subigantur attenuenturque, nec ampliùs pondere & grauitate tanquam vinculo colligatæ & coercitæ, vnâ cum illis in auras abeant: In eâ crassa terrænaque materia instat farinæ triticæ subactæ vi fermenti in tumorem leuem simul & attollitur, conceptoque aëre distenditur, inflatur, & ebullit: Sic attrabilis melancholiæ, vel sanguinis, vel flauæ bilis exustione genita acore suo quem contraxit aceto simillimum, in terram effusa protinus vt mutuum intumescens terræ partes abradit, quæ motione quâdam spirituosâ

415

in maiorem molem assurgunt; sic factò per agitationem feruore *ὄρεσι*, quæ prius concreta fuerant, euadunt *ἐξυμωμένα*. Non idem tamen in corde contingit, quod licet à primo suæ formationis momento reciprocatione perpetuà dilaretur & constringatur, nusquam fermentatione turgescit. Illud ne minima sanguinis portio sinistri illius ventriculi calore fermentata, si alteri aduenienti sanguini permisceatur, impellit ad motum. Pulsat cor vt incalescat, non caler vt moueatur; ab ipso non modò æstuat sanguis, sed etiam omnes & singulæ corporis partes motum mutantur à corde, cuius influxu destitutæ frigescunt. Nunquam impunè feriat, immo illius tanta est necessitas ad vitam, vt nunquam repentina mors accidat nisi cessauerit.

I V.

NIHIL in animantium motionibus fortuitum, omnia naturæ ductu fiunt aut ab animâ: naturæ motus certi sunt & destituti, animæ liberi & indefiniti; vnum & idem semper præstat natura, levia sursum feruntur, grauia ponderis inclinatione concidunt. Cordis *ὀρχησμένη* in solâ continisâque motûs agitatione consistit, quam nec sedare pro voluntatis arbitrio possumus, nec excitare. Hæc adeo cordi naturalis est & propria, vt etiam cor è thorace auulsùm diu palpitet. Tandiu viuît cor quantum mouetur, moritur cum cessat moueri, iurèque principium vitæ dici debet quod præsentia suâ vitam largitur, & absentia adimit. Nihil ad calorem producendum magis efficax præter motum, quem nec cordis, vt nec aliarum partium temperies, nec certa elementorum permixtio vnam efficit. Hunc motum cor sicut animalis facultas quietis vicissitudine nusquam interrumpit: quin potius ejusdem perpetuâ motione, ingenti calore tanquam flammâ exardescit, à quo tanquam à sole animal reficitur, conseruatur, & viget. Absit tamen vt credas vim illam in corde pulsantem à vitali non discrepare; hæc in solo corde confedit, illa arteriis & cordi communis est; hæc vitalis per cavitatem, illa per arteriæ tunicam influit; hæc denique vires suas ad ossa, cartilagines, carnem, ad omnesque corporis partes transmittit: præter cor & arterias pars omnino nulla agitur, & pulsât. Arteriarum motus cordis pulsationi tum magnitudine, tum celeritate & frequentia licet respondeat, ejusque motus causa eadem sit ac ea quæ cor mouet, hæc tamen dilatantur dum compressum cor in eas spiritum immittit, comprimuntur in diastole. Cor ex venâ cauâ sanguinem allicit in dextrum suum sinum, & per venam arteriosam sanguinem in pulmones effundit, quem attenuatum per arteriam venosam vnâ cum aëre in sinistrum rapit, ex quo confectum jam vitalem spiritum in aortam, simulque in minores arterias quæ tunc dilatantur emittit. Ceterum, præter hæc quæ cor suo motu, caloris influentis accessione, insiti conseruandi gratia molitur, alium motum excogitauit natura, circulem scilicet, quo sanguis à corde per arterias ad extima, & ab extimis per venas ad cor reflueret, vt partes quæ ob distantiam à corde calorem diutius conseruare non valent, nouum denuo sanguinem & in puriores spiritus conuersum haurirent.

COR flamma ignis immortalis & purissimus, animę quasi *σεβαστος* est, nec vnquam sine summo vitę dispendio fermentum admisit. Quid enim aliud in fermentatione præter putredinem inuenire licet, quę aliena est, præter aciditatem, quę fortuita? Valeat succus ille acidus, chylus à neotericis falsò creditus, & quem ad cor conficiendo sanguini per vasa lactęa thoracica deferri volunt, hic solùm refrigerando sanguini aut diluendo potiùs inseruiat. Nutrimur dulcibus, acidum cor non patitur. Si nonnihil in illius recessibus fermenti naturam indueret, immineret suffocationis metus, aut in syncope, aliisque frigidis affectionibus coagulatus ille sanguis in fermentum destinatus nec facilè dissipabilis, cordis ventriculis obturaret. Vnde mors inuitabilis. Ab ipso fermento cor confuse semper & inordinatè, modò validiùs, modò debiliùs pulsaret, prout maior minòve fieret fermentatio, & arterię non vno eodémque momento pulsarent, si solius influentis spiritus & sanguinis in vapores extenuati copiã implerentur, quod nequeat puncto temporis spiritus per arterias in corporis extrema peruadere. Dum feruet pectus iracundiã & sanguis circa cor ebullit, longè minor percipitur cordis pulsatio, quàm in timore, qui præ affluentia & crassitie sanguinis ipsum premit & suffocat. Sicut in ollis lac aut oleum in momento non rarefit & turget, vt neque quod in Æolipilis aqueum est, ita nec in sanguine tam subiti tor particulæ inter se sunt secessus, qui cor violento motu & distentione summã distrumperent, quod secus donec sanguis in illius sinus fermentationem concepisset, immotum maneret & languidum. Qui fermentationi cordis motum concedit, perinde facit ac si ferrę aut cuius instrumento efficiendi potestatem tribuit. Alternis vicibus cor deprimitur & attollitur, quod iugis & nunquam desinens impediret fermentatio. Exulet qui de his aliter senserit, ne modico fermento totam Medicinę massam hæretico acore corruptat.

Non ergo motus cordis à sanguinis fermentatione.

DOMINI DOCTORES DISPUTAVR

M. Nicolaus Robin.

M. Nicolaus Bonuarlet.

M. Germanus Preaux.

M. Iacobi le Menestrel.

M. Nicolaus Rainsant.

M. Petrus le Comte.

M. Carolus Brisset.

M. Iacobus Boujonier.

M. Franciscus Blondel.

Proponebat Lutetię PAVLVS MATTOT Parisinus,
Scholarum Archidiaconus. A.R.S.H. M. DC. LXV.